



Inatsisartunut ilaasortaq Justus Hansen, Demokraatit
/Maani

- 8 NOV. 2017
NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1000 - 3900 NUUK

§ 37 naapertorlugu apeqquteqaammut 2017-186 ineqarnermut akiliisarnermut tunngasumut malitseqartitsinermik ilisimatitsissut

07-11-2017
Sags nr.: 2017 - 16206
Dok. nr. 24861589

Siusinnerusukku § 37 naapertorlugu apeqquteqaammut 2017-186 ineqarnermut akiliisarnermut tunngasumut akissuteqarninni 3. august 2017 ullulikkami ilisimatinnikuuakkit eqqarsaatigalugu Aningaasanut Inatsisissatut siunnersuummut 2018-imut oqaaseqaammik ilanngussilersaarlunga, aappassaanneerinninnissamut qaqitassamik, UKA 2016-imi Inatsisartut aalajangiiffigisaat nr. 60 eqquutsikkumallugu:

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

"Naalakkersuisut attartornermut peqqussutip allannguuteqartinnissaat, ineqarnermut akiliineq bankip qaammatini ulloq kingulleq ammaffianut nuunnissaanut aalajangiiffigisassatut siunnersuut."

Naalakkersuisoqarfimma AIS 2018-ip suliarinerani aappassaanneermeqarnissaa sioqqullugu paasisimavaat Inatsisartut aalajangiiffigisaat qulaaniittoq saqqummiunneqartariaqanngitsoq AIS 2018-ip aappassaanneermeqarnissaanut atasumik, aatsaalli saqqummiunneqartariaqartoq attartornermut inatsisissap nutaap saqqummiunneqarnerani.


Inissianik attartortitsisarneq pillugu peqqussummi § 38, imm. 1-imi attartortoq pisussaavoq ineqarnermut, imermut klassarnermullu akiligassanik akiliisassalluni. Imm. 2. naapertorlugu akiliineq pissaaq kingusinnerpaamik akiliiffissap kingulliup qaangiunnerata kingorna ulluinnaat pingajuanni. Taanna pisortat inissiaataasa attartortittarnerannut aalajangersimasumik isumaqatigiissutinut ilaavoq aammalu inissianik attartornermut akiliisarneq taamaalilluni isumaqatigiissutigineqartut iluanneereerluni.

Taamaattumik inissianik attartortitsisarnermut peqqussummi aalajangersakkap allanngortinneqarneratigut isumaqatigiissutinut pioreersunut sunniuteqarnaviangilaq.

Siunnersuutip inatsisissanut allannguutissamut ilanngunneqarnera taamaallaat siunissami isumaqatigiissusiaasartunut taamaalilluni sunniuteqarsinnaavoq, akiliiffissamillu piffissaliineq aatsaat allanngorsinnaalluni nutaanik attartortitsinermut isumaqatigiissusiortoqarpat.

Inissianik attartortitsinermut peqqussummut allannguutissat suliarineqalereermata UKA 2018-imi saqqummiunneqartussatut naatsorsuussaasut, iluarseeriarnissamut periarfissaasinnaavoq § 38-ip ima allanngortinnissaa akiliinissamut piffissaliussaq isumaqatigiissummut ilaajunnaarsillugu, inatsimmili iluarsineqarsinnaalersillugu. Taamaaliornerup qulakkiissavaa siunnersuut pillugu naammaginantumik tusarniaasoqarsinnaanissaa, allaffissornikkullu suleriaatsit pisariaqarpat ilanngussorneqarsinnaassallutik.

Inussiarnersumik inuulluaqqusillunga

A handwritten signature in blue ink, appearing to read 'Erik Jensen', is written over the printed name.

Erik Jensen